

酸  
塩  
酢



94503

醜

吟

卍



醉吟草序

詩莫盛於有唐竇氏聯珠集世豔稱之然尚不若王右

丞及其弟縉奇章秀句尤爲脫然畦封也吾師寄庵

劉先生主講西林兼以詩學訓後進琮肄業幾四載雖

聞緒論然時方攻帖括以未及究心風雅爲憾嗣讀

先生全集獨來獨往不主故方如應龍之倏騰天旋入

淵而莫窺其屈伸變化之妙也又如鷹隼摩空驂騶步

景但驚其神駿而莫測其飛行絕跡之能也蓋先生

才極大學極博弄月吟風毫而不倦故能入古作者之

醉吟草序

室而無虎賁中郎之似卽以詩論豈非吾滇一大宗哉

雲門世丈爲 先生從弟素豪飲年四十餘乃從

先生學爲詩每一篇成 先生未嘗不稱善也晚年以

醉吟自號詩興酒興不減少壯時今年春 令嗣仲鴻

以遺集見示且索弁言夫古之豪於飲者多矣晉人如

畢卓劉伶之徒不以詩名中散步兵詩誠工矣恆放蕩

於禮法之外豈世所謂酒狂者歟抑真有託而逃者歟

及觀陶淵明詩篇篇有酒似乎溺於糟邱者然其飲酒

詩一則曰稟氣寡所諧何節之介也再則曰游好共六

經何學之醜也乃歎人品高潔東晉之士無出其右烏  
得與舖糟醲漓之士同類而共譏之耶秋窻夜雨一燈  
熒然急展醉吟集誦之和平温厚絕無粗厲噍殺之音  
就中五言古詩其得意處往往不減采菊東籬下悠然  
見南山之句而其安貧樂道之意亦隨時流露於毫楮  
閒然則 寄庵師詩之大 世丈詩之雅所謂異曲同  
工者不且與右丞兄弟後先輝映哉仲鴻習過庭之訓  
以篇什爲箕裘他日樹幟騷壇必有過於少陵之得宗  
武者更將拭目以俟之咸豐元年歲在重光大淵獻秋  
八月世愚姪黃琮頓首拜序

醉吟草序

醉吟草序

詩與酒二事也其趣則一焉故好吟之士往往嗜酒晉之淵明唐之太白得其趣之深者也余年四十餘始學爲詩每就正於從兄寄庵先生先生以爲可學旣而兼嗜酒漸得其趣迄今廿有餘年矣詩則時作時輟酒則無日不飲始飲不過三爵今則五斗亦不甚醉惜詩無進境不如酒量之有加耳昔寄庵兄少豪飲及宦山左喜吟詩轉戒飲今余晚年始學爲詩而戒飲不能法先生竊滋愧矣然亦佛家所謂積習難忘也爰檢篋中舊稿刪存若干篇爲醉吟草云道光丁未立春後八日醉吟老人劉大容自序於紫芝草堂

醉吟草序

醉吟先生傳

呈貢孫

鍾鈞啟

自唐白醉吟沒閱千一百餘歲而甯州劉雲門先生亦以醉吟稱於珠山浣水之間先生爲潭西老人家弟老人者吾滇儒宗也文名滿天下而亦心折於先生先生年十五能文章二十餘博通經史與三迪名士大夫交遊三十而不遇卽退而隱於酒至四十然後學爲詩歌宅東偏築草堂數椽顏曰醉吟置書萬卷古玩十餘器花木百餘本一壺一瓢自吟自酌不知老之將至也晚年厭倦城市多退居潭西老人別墅別墅多佳山水晚

醉吟先生傳

一

涼酒醒不衫不履登屋後山聽松風聲悠然悟詩中三昧乃焚棄舊業獨浸淫於漢魏三唐而於陶韋尤心契焉明月滿天一杯在手雜花弄影幽鳥時鳴乘興而成不假修飾論者謂如深山道人木食草衣顧視澹然自饒真意又如幽蘭野竹不以敗葉掩其貞姿自有潭西詩派以來能以別調獨行者也性好遊遊無成約無定適山不必高水不必深泉石竹木禽魚之屬不必幽奇而詭異取其適吾適而已從三五少年輩不必皆文學士稍解事者亦與之目有所觸心有所會卽相與披榛

闢地藉草爲席歡然雜然而先生獨俯而酌仰而吟吟成則疾書書旣成而先生亦頽然醉矣先生生四子多善飲能吟咏長君次君尤知名長君成進士官閩中將迎養先生不願往謂座客曰吾杖頭錢自足願年年歲歲與諸君觴咏異日老死故鄉爲我題墓道曰醉吟先生之墓則吾願足矣年就衰預治生壙並治酒壙所邀諸同社歌咏其中明年卒年七十次君集其詩爲選訂醉吟草六卷

筠坡氏曰子與先生交十有餘年矣先生性剛正人有

醉吟先生傳

二

過卽面折之鄉儒生輩多畏先生之嚴厲然天懷樂易慈祥生平不喜佞佛而好施與戒殺生雖蚤蝨亦不傷其命棄之而已蓋古君子人也抑聞先生誕生時太夫人禱於州西仙人山之觀音巖先生没山中老僧夢先生坐彩輿中童子十餘人香鑪幡幢過寺揖別導而西去數日後訃始至然則先生其有眞來歷者歟

醉吟草目錄

卷一 余年六旬餘齒牙尙未搖落昨食餅偶痛戲成

五言古詩首

力田正良正日同神林詩翁童子遊龍洞

種菊

春曉言懷

春日卽事

辛卯移家卽事

同友人後山聽松

醉吟草目錄

同楊柳塘內兄遊龍洞

壬辰九日偕兒輩登高

閱鬼谷子命理前定數

抱孫吟

示家達

戊戌五月五日同帖梅村偕諸童子遊龍洞

五雜詩三首

余年六旬餘齒牙尙未搖落昨食餅偶痛戲成

短章

勗遠兒

種瓜豆

白雲篇

寄馬子雲

曉起看菊

結茅亭

卷二

七言古詩

醉吟草目錄

遊秀山

彩月歌呈寄庵兄

赴寄庵兄潭西草堂看梅之約

花朝前二日李翊清邀看牡丹漫賦

峒巖碑

寄遠曲

遇何大話舊

癸巳立春前四日同友人北山看茶花

石山筆架

吟玉山房漫題

卷三

五言律詩

冬遊仙人洞有懷曉然禪師

贈漁父張老

暮春過海門橋

遊圓通寺

重過玉泉山雲濤寺二首

晚過相見坡

醉吟草目錄

五

撫仙湖晚眺同內兄楊聲遠

贈向宿海姊丈

小園漫興

齒痛

祀竈

同友人避疫西郊古廟

五言過故人

感懷

秋歸卽事

冬日自瀟兮歸

過趙梅溪水碾

自笑

遊西溪冲

重遊西溪冲

卽事

小園菊花勝開喜萬午橋廣文過訪

春夜台晴崖孫竹雅菊君諸小友見過留飲

己亥中秋

醉吟草目錄

四

六十自壽

閒居無聊老境將至好嬾如故習靜未能率成

四詩自道鄙懷

九日憶琴山友人

暮春偕同人修稷溫泉集蘭亭字各成四詩

癸卯九日詠懷

策杖

閩邸抄知家達已復官感賦

七十自壽

贈楊晚亭

卷四

七言律詩

象鼻溫泉

夏初遊翠屏山廣化寺

題潭西草堂

贈馬子雲

寄庵兄乾隆庚寅鄉舉第三人壬辰成進士明

年例得重宴鹿鳴詩預賀之

醉吟草目錄

五

草堂看梅卽席和寄庵兄韻

五十自壽

同李翊清避疫西郊古廟

同友人過戴玉庭學舍看菊

中秋日接讀邊漱珊司馬致州人手書賦寄

九日

對菊

卷四秋夜詠懷

五華山謁武侯祠

聞寄庵兄崇祀山東新城名宦誌喜

海心亭次蔦蘿亭女史韻  
畫齊不泯口占一首  
謁譚竹湖夫子

訪戴古村

仲夏自昆明還至龍泉草堂書湖寄

楊家寨訪趙梅溪

和張楷堂秋郊晚眺原韻

豆誠齋表兄招飲蓮塘別墅  
送一龔澹梅

孫筠坡廣文齋中看菊

醉吟草目錄

六

乙未歲恭逢慶典  
恩貢成均感賦

家達北上李鐵梅學使賜羊裘一襲賦謝

庚子初秋移家高茶砦卽事

聞家達春闈捷音

辛丑秋接讀花松岑祭酒手書賦寄

壬寅元日

雍髮

長夏腹痛數日飲食不思晝夜不眠口占二首

秋晴病起偶成

遊溫泉

卷五 對菊

季冬望後四日同孫筠坡李介農兩廣文張楷  
荆堂明經李悔庵西園昆弟張五峯台晴崖豆  
菴伯陶諸子潭西草堂看梅

乙巳除夕即事

丁未六月三日逢余六十有八生辰避客於潭

西草堂感賦

寶珠山營生曠

醉吟草目錄

七

製棺

福元孫亡三月矣今葬於潭西之麓感賦一律

潭西別墅移家

長至後一日漫興

詠竹熏籠

除夕

聽松亭

卷五

五言絕句

界魚石  
文昔田賦二首

石虎岡  
友人遊華蓋山謁劉真人祠二首

太和宮  
張繼軒詩後

龍泉觀古梅  
韻余香出閣中欲颯三稿

升庵祠  
流香閣水盃去普陀留文以封大士對

圓圓冢  
普園中自倚石三曰紫雲曰普陀曰小

囊鏡軒

海月樓

牛井

醉吟草目錄

八

羅漢壁

觀音巖

題東山龍洞四首

孫廣文暫園中有奇石三曰飛雲曰普陀曰小

井洞天飛雲爲人盜去普陀留之以供大士像

小洞天則贈余者也閑中爲賦三詩

七言絕句

巖子陵

題秀山建文君臣祠二首

呂仙亭

春日同友人遊華蓋山謁劉真人祠二首

秋夜題張融軒詩後

春遊溫泉

雪霽過三台山卽景二首

芍藥

虞美人

石竹花二首

萬松山老桂二首

醉吟草目錄

九

咏菊二首

金錢菊

白梅

對雪

沈節婦三首

由三轉灣至十里舖

夜過吳井

讀邊隨園先生壘篋集題後其人師二首

崩家達二首

友人赴秋闈戲爲老女嫁以送之三首

淮陰侯

樊將軍

台晴崖王勿庵諸子過從戲成一絕

眼前

移居潭西草堂

壽內二首

李介農廣文索人面竹杖分贈一支並繫一絕

句

醉吟草目錄

十

題筠坡廣文齋前草亭二首

醉後戲爲與杖問答二首

檢殘書得余手抄地理一本

漁家四時樂四首

仲冬四日邀諸同人華亭小飲四首

小園

題王石谷漁樵耕讀圖四首

卷六

六言絕句

晚香園雜興八首

漁父詞四首

七言雜體詩

總戶謠

古木杖

任老嫗

尖頭帽

敝狐裘

飲虎膠酒

醉吟草目錄

馬丹林送力石酒一瓶謝以長句

石蟹

石兔

酒罇

古木對日遊詔同人華亭小飲四首

漁父謠

七言雜體詩

卷六 漁父詞四首

六 晚香園雜興八首

醉吟草卷一

甯州 劉大容 雲門著

呈貢 孫鍾 筠坡選

五言古詩

力田

余家住城市肄業惟琴書力田非所習不辨菑與畝今  
春事耕種終朝勤荷鋤竭來西疇外灌溉引清渠新秧  
滋秀色好風時吹噓小憩綠楊下俯仰任自如催耕鳴  
布穀勸飲來提壺野老時聚談相親復相於閒閒十畝

醉吟草卷一

一

閒怡然樂有餘

種菊

西疇方播穀東籬旋種菊三徑覓新菱佳種不一足次  
第置庭前朝夕頻顧復既防烏雀啄又恐烈日暴如培  
佳子弟自幼宜鞠育嘗聞陶淵明花中獨愛菊臭味真  
相投襟期淡無欲幾人爭學陶伊誰繼芳躅我今復爾  
爾亦知未免俗無菊不成秋賴此聊娛目

春曉言懷

心安夢亦安覺來天忽曉披衣步庭前愛此春光好春

草旣芊綿春花更窈窕庭樹覆綠陰枝頭鳴好鳥萬物  
各自得人心胡自擾念慮煎於中形容日枯槁我今息  
此心悟來幸猶早疏水自可甘菜羹亦堪飽嘯歌一室  
中欣然樂吾道

春日卽事

中歲頗好靜繁華懶遊目以此常杜門詩書課子讀春  
風次第來庭樹交枝綠一叢玫瑰花當堦吐芬馥栩栩  
來蛺蝶艷艷映朝旭解笑如迎人繞砌每躑躅憶昔余  
年少性愛種花木羣卉滿庭前芳菲似錦簇年來避疫  
癘東奔復西逐小園半荒蕪空堦長苜蓿今春較安閒  
呼兒理園囿抱甕不辭勞舊觀漸可復培我東閣梅剛  
我西園竹旣栽茂叔蓮更種淵明菊醒時花間吟醉時  
花間宿陶然適吾情卽此是清福

辛卯移家卽事

十室九移家避疫如避寇避寇有已時避疫年復又憶  
自廿年來東馳兼西驟古廟亦堪棲荒村敢云陋今夏  
復移居幸借宗祠覆琴書喜隨身雞犬從人後桐冷滿  
院清鳥聲管絃奏一水繞門前良苗競吐秀有時訪素

心談笑多故舊有時尋壑追隨卽童幼靜聽松閒濤  
遙看雲出岫興來林下酌薰風迎懷袖借問此何日三  
伏正其候安得寄庵兄竹林共觴侑

同友人後山聽松

移居感離情幽懷誰與訴有友惠然至邀我後山步  
予到山巔俯仰憑四顧清風來徐徐有聲在高樹頃耳  
靜聽之鏗鏘類韶護悠然移我情欲歸且復住何當抱  
琴來和此天然趣

同楊柳塘內兄游龍洞

醉吟草卷一

三

共有登臨興載酒尋幽谷桃李正芳菲春色娛人目行  
行過小橋煙村環綠竹悠然見東山山半懸石屋屋後  
聳層巒屋前蔭喬木清溪洞口流魚蝦信手掬石上詩  
誰題漫滅句難讀徜徉泉石間高瞻復遠矚有客好探  
奇邀我入山腹同遊來三人燃燈兼秉燭洞口頗局促  
一步一匍匐迤邐窈而深魚貫相追逐豁然際軒廠異  
境不一足盤空見游龍撲面飛蝙蝠森森玉笋垂泠泠  
瓊漿灑丹竈留眞蹟石梁度仙躅洞外春猶寒洞中氣  
轉煥遊人皆汗流恍如遇三伏更欲窮幽奧燈盡帶難

續呼侶盍歸來行矣毋顧復洞途苦多歧洞口記仍熟  
忽然觀明光紅日滿山麓

壬辰九日偕兒輩登高

時移居潭西草堂

頻年此移家幾度遇重九未曾一登高空飲菊花酒佳  
節今又逢閉戶難寂守從遊實有徒童子偕某某迤邐  
沿溪行不不停走雲深路忽迷徑窄險而陡一水潺  
潺流何處覓洞口相與踏溪行魚貫分先後數里到泉  
源寒聲石窟吼童子爲余言蓋更登高阜攝衣履巉巖  
攀蘿全以手直上西山巔天地眞別有清風飄衣裾白

醉吟草卷一

四

雲變蒼狗村墟幾點煙衆山皆培塿此景信奇絕此遊  
得亦偶落日半銜山歸來時將西

閱鬼谷子命理前定數

平生利不言兼不喜言命偶閱鬼谷書謂命數能定文  
理旣明通詩句亦可詠數本十天干千與千相併六十  
命數週吉凶與卦証余年庚子生生時壬午正兩子合  
相叅庚壬其數應數中列卦爻困卦司其令其後判數  
言早定余素行龍頭升於天蛇尾曳於徑耗鬼與退神  
椰揄笑相慶何怪數年來偃蹇多蹭蹬此命若亨通週

甲年是聽前言驗非虛後言何日證

抱孫吟

有子萬事足此語傳自俗我今復有孫詩書可嗣續孫  
今甫二齡秀眉而清目能行能語言嬉戲馬騎竹時來  
几案間翻書輒學讀舍飴試弄之繞膝時追逐祖武信  
能繩愧余實碌碌

示家達

余家來江右奕世每業儒名氏食舊德百年樂安居嗟  
余幼失怙學業坐慵疎一經甘白首先鞭志竟虛爾今

醉吟草卷一

五

幸一第差喜繼門閭所貫明經術勿徒飾虛車幸際  
文明世冠冕遍寰區吾滇亦多彥聯袂登天衢珥筆侍  
彤庭秘書窺石渠豈云致榮貴而不急遠圖學究天  
人策夙慕董江都復愛賈長沙痛陳治安書文章期報  
國千載奉爲謨抗志希前賢立身戒卑污捷徑毋投足  
周道任馳驅生男懸弧矢焉能常守株前程當自奮行  
矣勿踟躕

戊戌五月五日同帖梅村偕諸童子遊龍洞

有客來杞湖邀我遊龍洞童子六七人携酒及角樓正

逢端陽節紛紛遊人衆燃炬先後入爆竹聲聲闕淋漓  
洞石滑一步不敢縱以手兼代足四肢交相用力來力  
已疲小住且目送奇觀石頂開游龍誰能轆童子喜探  
奇前行後復從深入不肯出使我心懼恐大呼盍歸來  
臨險休戲弄憶昔此地遊庚寅春方仲山前遍桃花好  
鳥新聲唳題石掃綠苔狂歌懷抱空卽今將十年回首  
眞若夢此日重來遊幸有梅村共我飲君題詩留與遊  
人誦

雜詩

醉吟草卷一

六

刪詩存三百孔子擇而精作者皆賢聖其言和且平小  
序傳子夏經義賴以明紫陽朱子出論說多紛更鄭衛  
皆淫女國風少正聲刪詩存邪說夫豈聖人情子曰思  
無邪一言有定評

人生各有志志發而爲言寫我性天語瑩然露靈根詩  
自有唐盛李杜固爲尊郊寒與島瘦亦有眞性存後人  
苦蠶效別代而分門面目豈不似優孟何足論我詩本  
無法不宋亦不元醉吟聊復爾歌詠付兒孫

茫茫宇宙內人生各有營達則乘駟馬窮則飽一羹富

貴與貧賤要皆由命成何況神仙事渺渺寄太清愚哉  
漢武輩抗志慕登瀛言訪赤松子又求安期生都爲方  
士誤不見仙人迎今我所慕花時酒一巵北窓自高  
卧太上同忘情謂晉不爲高業憂神却食靈芝爾反新  
言  
昔  
余  
年  
六  
旬  
餘  
齒  
牙  
尚  
未  
搖  
落  
昨  
日  
食  
餅  
偶  
痛  
戲  
爲  
戲  
學  
志  
短  
章  
非  
並  
管  
仲  
陳  
景  
夏  
晉  
子  
淵  
五  
龍  
不  
結  
林  
石  
齒  
落  
復  
更  
生  
人  
言  
徵  
壽  
考  
貴  
人  
三  
十  
六  
僉  
以  
多  
爲  
好  
我  
齒  
亦  
猶  
人  
半  
生  
惟  
食  
稻  
不  
嘗  
方  
朔

醉吟草卷一

七

皆然去留憑大造齒兮何多情甘與余終老豈復飲瓊  
漿豈復食瑤草神仙我不求去去無煩惱

勗達兒

家達五薦不第未能適然作此示之

爲學志聖賢非徒矜科第是真君子儒正誼不謀利在  
昔范文正讀書醴泉寺晝粥兼斷齋養成將相器同氣  
爾四人匪愚亦匪智不爲德業憂何暇貧賤慮爾兄博  
一官萬里如匏繫何若守鄉園萊衣時可戲力田足饘  
粥閉戶深磨礪寶劍埋豐城自有冲霄氣幾見富珠璣  
不出人頭地萬事須反躬何求又何忤勉旃勤下帷慎

母自暴棄田田自蠶十圍影自幽下蓬白丈幾亦間却一

種瓜即得瓜種豆即得豆不種奚由得勿荒我園圃吾

學亦猶植深耕復易耨芘芘吐其苗森森發其秀耘耔  
苟不勤安望秋有收凡物莫不然此理宜窮究

遊山白雲篇 思遊好也

白雲生山中出岫本無心一朝升天半天風吹不禁俄  
而散成彩俄而化作霖成彩人皆仰爲霖世所欽慈雲  
在故山何處相追尋雲兮盍歸來同聚碧山深

醉吟草卷一

八

寄馬子雲

時寓昆明太傅坊

別來今六載遙念雪山客長物惟琴劍棲身太傅宅習  
靜神自全耽吟髭應白氣味凝芝蘭心性本松柏何當  
遊昆華重讀新詩冊

曉起看菊

喔喔晨鷄鳴驚覺遊仙夢散步向小園看花與誰共秋  
菊正含英枝頭凝露重人淡孰若斯品高眞出衆回憶  
種菊時朝夕勞抱甕自春夏復秋三時無虛空於今花  
滿園遊觀任目縱斗酒還自攜不須白衣送花間時一

酌淵明誰伯仲

結茅亭

荆棘雜惡木四圍如城固呼僮刪除之清山一角露園  
內竹千竿園後松萬樹竹聲與松聲入耳皆成趣散髮  
自長吟脫巾時獨步結此一茅亭老我藏拙處

醉吟草卷一

九

醉吟草卷二 蘇軾主人卷 蘇軾醉果公長 蘇軾卷一 蘇軾

蘇軾林檎詩自題 甯州自劉大容 雲門著 蘇軾卷一 蘇軾

蘇軾燈賦與不 呈貢民孫 鍾 筠坡選 甯州自劉大容

中 七言古詩 蘇軾雲霧四塞 蘇軾詩 蘇軾詩 蘇軾詩 蘇軾詩

遊秀山呈齊叔只 蘇軾詩 蘇軾詩

我聞名山幾百千嵩華衡岱尤巍然造物鍾靈不擇地  
點蒼太華雄著滇杞湖一山更名秀崢嶸突兀似鍾覆  
佳哉鬱鬱復葱葱羣山對之慙形陋嗟余五岳不曾遊  
每到此山輒淹留徒倚行吟長松下攜壺更上碧峯頭

醉吟草卷二

一

峯頭縱目閒俯仰霧歛煙消天氣爽遙看湖面幾葉舟  
下視城郭大於掌蓬島由來在人閒選勝尋幽幾人閒  
名山須逢名士賞不有佳詠空躋攀何當得遂向平願  
三山五岳咸遊遍左挹浮邱右洪崖笑看滄桑復幾變

彩月歌呈寄庵兄

中秋待月高茶砦雲霧四塞極目隘玩月此時多良朋  
賦詩飲酒興不快十六月色較前明霧歛煙消天宇清  
散步村前舒白眼放懷自適孤雲情今宵不覺到十七  
並坐談心復促膝主人多情設酒果少長咸集在一室

酌酒花間人未眠一輪明月照窻前舉杯我欲邀月飲  
瞥見祥光一道圓祥光五色各不同團團圍住廣寒宮  
想是姮娥乘夜出萬里長空駕彩虹我無彩筆題彩月  
詩成只可自怡悅不識今夜寄庵兄酒興詩情可曾發

赴寄庵兄潭西草堂看梅之約

尋芳屢過城西路路經小橋野梅樹老幹何人摧爲薪

欲覓梅花知何處

小橋有古梅一  
株被人伐去

一行行踏遍路三义孤

山深處有兄家屋後門前皆竹樹水邊籬外盡梅花憶

昨來看明月夜有客吹笛梅樹下

旬日前同馬子雲  
月下看梅吹笛

及

醉吟草卷二

二

今回首忽經旬南枝北枝香不亞幾度行吟到草堂此

日花閒更舉觴愧無好句酬康樂空勞春草夢池塘

兄來

札云我弟惠然肯來當  
不減池塘春草之夢也

自來梅花誇庾嶺潭西梅花亦

佳境林下歸來時一吟高風可繼林和靖

花朝前二日李翊清邀看牡丹漫賦

流鶯滿枝花滿路斗酒攜將尋春去芳辰屈指到花朝

九十春光莫虛度故人邀我看天香今年花較去年芳

妖姿含露垂玉佩醉態迎風舞霓裳此花香色俱第一

百卉紛紛誰能匹嘉名自合號花王元輿一賦競彩筆

春風歲歲醉瓊筵幾度吟哦向花前揮毫欲擬清平調  
三章輸與李青蓮吁嗟黃紫重姚魏一叢十戶中人費  
未開一日誰來看漫詡此花真富貴

峒嶼碑

半生不曾遊衡嶽壯歲豪情空消磨峒嶼峯傳神禹蹟  
穹碑百尺插峩峩憶昔涪水汜洪波人民沒溺將奈何  
帝曰咨汝平水土汝其往哉勿蹉跎禹承帝命不遑瘞  
乃乘四載疏九河淪潔決漢排淮泗驅放蛇龍及蛟鼉  
地平天成咸禹績片石銘功留山阿字青石赤形摹異

醉吟草卷二

三

鳳泊鸞飄勢婆娑奇文奧義讀難卒古體誰能知斗蚪  
流傳人間幾千載法物信有神鬼呵昌黎好事廣搜羅  
石鼓遺文曾作歌此碑當年恨未見神往衡峯空吟哦  
升庵太史稱鴻博三墳五典讀能過七十七字詳譯釋  
刻石至今留太和我今幸覩歷書搨字畫完善無差訛  
鳥跡蟲書傳萬古秦篆漢隸何足多嗟余好古生晚近  
寶此不啻寶玉珂安得良工重鐫石榻來萬本同觀摩

寄遠曲

男兒不甘守鄉土長風萬里飄飄舉投筆謂能膺侯封

立談不難取公輔豈知富貴命由天徒誇大言成虛語  
一官十載滯長安職卑祿微竟何補寄人廡下豈長策  
何如歸來力農圃胼手胝足雖云勞仰事俯畜同聚處  
有時延賓治山肴有時祝嘏烹肥豕人生樂事在家庭  
遠遊他鄉徒自苦吁嗟遊子久不歸斑衣堂前何時舞  
歸去來兮歸去來靖節高風自千古

遇何大話舊

人生難得是好友道誼之交方可久其間離合總無常  
安能一生常聚首憶昔負笈遊五華風雨晨夕笑語譁

醉吟草卷二

四

與君一別廿餘載一在海角一天涯天涯音信久絕斷  
欲寄尺書無鴻雁暮雲春樹徒黯然幾度夢中曾相見  
今夕何夕此閒逢道故談心樂融融但須浩歌對明月  
不用把酒論英雄君不見昔年同學諸舊好幾人通顯  
幾潦倒屈指而今復幾人有人墓上生宿草  
春前四日同友人北山看茶花

咫尺北山非嵯峨幾度欲遊竟不果尋芳此日欣有約  
攜童提壺過道左百級直上玉虛宮詩朋酒客先滿座  
好景正逢山茶開一樹拂簷紅於火砌旁橫斜卧老梅

枝頭微着花數朶置酒分箋共詠觴清言娓娓不嫌瑣  
吾州梵宇半荒蕪風景此間尚覺可再過四日卽新春  
同來賞玩興猶頗

石山筆架

天下名山凡三百分鎮中州名赫赫其餘支山號紛紜  
山各有名載方冊筆架西山雄峙滇嶂巖嶒插碧天  
何人能揮如椽筆直據絕頂摩雲煙我今偶得筆架石  
大不盈拳長不尺三峯青削自天成價重連城和氏璧  
壺中九華翹髯蘇錢公筆格誇珊瑚物有偏好總是癖

醉吟草卷二

五

燕石爲寶莫笑愚吁嗟物生各有主不遇其主掩塵土  
海嶽研山石一拳一經品題自千古

吟玉山房漫題

有序

吟玉山房者余四世祖玉峯公訓子處也名載  
臨安古蹟志憶吾家自江右來滇卜居於此迄

今四百餘年矣其閒兵燹屢經未嘗遷居故山

房之址猶存庚子暇日因舊廬重加修葺以爲

吾輩居吾劉氏家塾俾子孫歌詠其中勿替先人之遺

對策風云爾

我州望族張魏王科名門第甲一鄉余家派衍臨川郡  
詩書繼世翰墨香玉峯爲余四世祖有子三人能繩武  
吟玉山房一草廬當年歌詠庇風雨希載侍御夢鶴軒  
祿家別墅煙蘿園水明樓傳王太史寒煙蔓草名空存  
山房劉氏舊家塾於今猶留三閒屋誅茅牽蘿聊補綴  
好與兒孫習誦讀

醉吟草卷二

六

醉吟草卷三

甯州 劉大容 雲門著

呈貢 孫 鍾 筠坡選

五言律詩

冬遊仙人洞有懷曉然禪師

一竅天開處三冬客到時黃花金遍地洞外多金錢花冬月盛開綠

竹翠交枝仙去空留跡舊傳洞中曾見一巨人跡人來孰賦詩傳衣

昔年事懷我曉然師余少時曾寄名於曉然禪師

贈漁父張老居星雲湖畔四世一堂

醉吟草卷三

一

羨爾漁家樂茫茫水作村得魚隨繫艇有酒且開樽細  
雨閒垂釣斜風不掩門蘆花深處宿歡聚滿兒孫

暮春過海門橋

一水澄如練雙峯闕似門橋通南北路人住海山村馬  
首飛花遍漁磯釣客屯停鞭湖上望鷗鷺共忘言

遊圓通寺

勝境藏城市圓通別有天層巒飛閣迴幽壑老蛟眠碑  
寺址肯徑轉煙蘿古巖穿鳥道懸行來登絕頂一覽見

全真

重過玉泉山雲濤寺

夙志喜登臨名山幾度尋路迴青嶂迴寺鎖白雲深樹  
色含殘雨溪聲曳遠岑仙源今再到小坐息煩襟  
別是幽棲谷成年暑不侵泉聲清俗耳雲影淡詩心檻  
外羣峯合巖間萬木陰僧樓聊借榻待月上高林

晚過相見坡

不識相見坡今春晚一過怪禽啼絕澗斜月挂煙蘿地  
僻居人少林深落葉多兄家移住此爲問樂如何

撫仙湖晚眺同內兄楊聲遠

醉吟草卷三

二

湖畔晚風涼煙波望渺茫餘霞明遠浦歸鶯帶斜陽孤  
嶼螺浮翠湖中有孤山羣山玉點蒼湖外玉笋諸峯秀插天際美君清白

第常住水雲鄉

贈向宿海姊丈時年九十餘致政家居

矍鑠誰能似如公信異人問年過耄耄談事尙精神近著

聞見詩禮家聲舊湖山歲月新鹿鳴重宴會佇見作嘉

賓

小園漫興

閉戶遠塵囂園林趣自饒數竿君子竹一徑美人蕉幽

興憑詩寄閒愁，賴酒消花閒。時徙倚待月到深宵。

齒痛

未必中膏肓，如何痛更長。病原從口入，患豈爲唇亡。舌本強仍在，牙根毀不妨。醫書傳懶髓，懶得試奇方。

祀竈

爆竹響聲聲爲君饑，此行位原崇五祀禮。不備三牲杯酒陳，今夕層霄去幾程。歸期先寄我好向馬頭迎。

同友人避疫西郊古廟

古廟西郊外，移居此暫停。泉聲雙澗合，山色四圍青。

醉吟草卷三

三

誼今猶昔村醪醉，復醒心安隨地樂。放浪任骸形。

過故人居

移居渾無事，暇卽過君家。一徑穿修竹，小園飛落花。古書繙几案，閒話及桑麻。醉罷歸來晚，西山夕照斜。

感懷

廟古荒涼甚，相依已闕旬。悲秋人作客，悵別雁來賓。八口同浮梗，三家暫結鄰。廟後爲三家村何時疫氣盡，共樂太平

春

秋歸卽事

久客此還家吾生自有涯瘠田收晚稻余所種稻九月方熟老圃  
對黃花漸覺吟懷暢從知酒量加災氛今亦靖時事不  
須嗟

冬日白叟吟歸

歲暮始還鄉崎嶇路更長雙峯披馬耳名山一徑轉羊腸

裘做寒難禦囊空債莫償停鞭山館歇小酌引壺觴

過趙梅溪水碾

人巧能奪天乾坤任轉旋水行誠用激石走不須鞭竟  
日間雷震終朝看瀑懸羨君多術智利賴取源泉

醉吟草卷三

四

自笑

馬齒笑徒加情懷老更賒樂交三益友愛種四時花窮  
達由天命優游度歲華年來無別事詩酒是生涯

遊西溪沖

見說西溪好行行一徑斜渡通雙石釣樹隱幾人家物  
外情皆適山中境不諱相將歸去晚回首隔煙霞

重遊西溪沖

秋山如畫裏遊興此偏奢幾樹凝黃葉沿溪泛落花溪邊  
芙蓉花 借來小兒輩又過野人家尋到源頭處泉清好  
勝開

試茶

卽事

孟夏勤農事田閒日荷鋤敢云知稼穡聊且辨菑畝細  
雨穿輕燕新荷戲小魚欣欣物皆適吾亦樂安居

小園菊花勝開喜萬午橋廣文過訪

蓬戶久慵開青鋪徑滿苔菊從閒地種客稱冷官來疎  
雨秋三徑斜陽影半階籬邊同一醉香入手中杯

春夜台晴崖孫竹雅菊君諸小友見過留飲

春風吹客至今夕慰相思好共忘年友閒吟遣興詩梅

醉吟草卷三

五

花迎歲早竹葉泛杯遲際此良宵永殷勤勸一卮

己亥中秋

時避疫斗閣

一樣中秋月頻年幾處看今宵好風景此地獲平安野  
曠清光迴樓高夜氣寒相思人萬里搔首倚闌干

六十自壽

百年今過半六袞甲初週歲月流如水情懷淡似秋烹  
葵陳野菽煮茗樂良儔斗酒藏應有還須向婦謀

閒居無聊老境將至好懶如故習靜未能率成四

詩自道鄙懷

歷劫身還在乾坤一腐儒用甲週又逢子髮落少於鬚

伏櫪心猶壯長吟貌已癯寄言年少子莫笑老頭顱老

懶豈成於性嗟余賦自天詩書置高閣禮法不拘牽竹

徑清風掃蕭齋白晝眠一樽消歲月自謂是頑仙懶

碌碌無他技浮生半是閒花時常對酒雨後卽看山高

臥羲皇世移情竹石閒不知老將至何慮鬢毛斑閒

定後方能靜功緣敬慎存最難防意馬常自守心猿月

朗川同映風平浪不翻此中有真趣妙境向誰言靜

九日憶琴山友人

醉吟草卷三

六

未得登高去同君醉嶺頭別離才兩月時序已三秋菊

酒酬佳節琴山憶舊遊滿城風雨惡獨坐思悠悠

暮春偕同人修禊溫泉集蘭亭字各成四詩并小引

時當暮春清朗天氣臨水登山人生樂事欣化日之

初長快和風之時至坐茂林以娛情隨流水以修禊

放懷古今遊目天地觴詠可樂竹蘭同契於時覽陳

迹以興懷嗟人生之若寄感慨自昔有因作述於今

無異在人同集其文亦足信夫後世

修禊當年事山陰會有諸人遊流水曲時遇暮春初室

靜蘭言暢風清竹氣虛快然同此集相契又相娛  
山峻林幽地年年快此春放懷無古昔寄興有風人修  
稷時初至流觴迹已陳欣欣遊化日所樂每相因  
寄興山林內春遊信所之情懷感自得觴詠遇相知竹  
靜蘭幽地風清日朗時與人同此樂少長集於斯  
自得山林趣欣然聽所遊一觴隨曲水萬古此清流斯  
世殊今昔人生有短修騁懷時俯仰興感豈無由

癸卯九日詠懷

九日不登高幽居興亦豪開軒時對菊覓句且題糕酒

醉吟草卷三

七

不辭三爵年休嘆二毛獨憐遠遊子小試折牛刀

時家達宰

閩清因案被彈

策杖

策杖欲何之山中采紫芝白雲隨屐履遠流水寄情遲特  
健非關藥持家已付兒除將泉石癖世事一無知

閩邸抄知家達已復官感賦

呼籲情何切斯民直道存桐焦琴再造灰冷火重溫薦

草陳

楓陛

綸音到篔簹門涓埃小臣効何以荅

君恩

署閩撫某以諱盜叅家達閩清士民鄭清謀等代訟冤旋奉

上諭命劉中丞鴻翱悉心秉公重行

審奏因  
得平反

七十自壽

作詩一千首飲酒三十年詩成發長嘯酒醉卽高眠放  
浪形骸外逍遙泉石邊忽忽過甲子何事學神仙

贈楊晚亭

晚亭居撫仙湖邊年八十餘矣聞 恩詔賜老  
人頂戴欣然扶杖來州賦此贈之

白髮磻溪叟名心老不灰 詔從天上至人自海濱來  
齒德尊鄉黨衣冠遍草萊 聖朝多雨露同進萬年

醉吟草卷三

八

杯

醉吟草卷四

甯州 劉大容 雲門著

呈貢 孫 鍾 筠坡選

七言律詩

象鼻溫泉

香塘波暖絕纖塵  
選勝頻來問水濱  
象嶺陰潛千歲火  
龍宮暗貯一池春  
笑歌孺子滄浪句  
快擬沂泉澡浴人  
慚愧我躬多垢集  
卽今洗却自能新

夏初遊翠屏山廣化寺

醉吟草卷四

一

翠屏青靄列崇岡  
梵宇宏開選佛場  
二節海深傳燈衣

鉢古三貞祿廖瞿三氏  
托跡姓名香人村  
遠近全遮樹田畝

高低半插秧好是  
一番時雨後雲山  
入望轉蒼蒼

題潭西草堂

小築幽堂近水濱  
青山綠野迴離塵  
梅花種就堪爲友  
竹樹培成卽是鄰  
問字頻來門外客  
談詩喜得箇中人  
騷壇一代推盟主  
李杜文章老更醇

贈馬子雲

足跡曾聞遍九州  
壯懷無限已粗酬  
杜陵中歲常爲客

司馬平生本好遊一曲琴傳流水操幾聲笛弄岳陽樓  
此間暫下高人榻合有新詩壁上留

時攜詩稿來  
遊潭西草堂

寄菴兄乾隆庚寅鄉舉第三人壬辰成進士明年  
例得重宴鹿鳴詩預賀之

乞得山林退老身欣逢 昭代宴嘉賓青雲滿座神仙  
侶白首三朝齒德人六十一週年甲子八旬再遇歲庚  
寅兩闈同榜今遺幾碩果孤存萬里臣

草堂看梅卽席和寄菴兄韻

吟到寒梅定幾詩水邊竹外費尋思小園靜對門常掩

醉吟草卷四

二

鄰舍欣看杖每持

李翊清家紅梅一株  
百年物也兄時往觀

老去偏多閒意

趣客來更有好花枝春風拂檻香盈座同醉休辭酒一

卮

五十自壽

半生事業總悠悠馬齒空加五十秋嗜酒耽吟仍故我  
知非寡過愧前修向禽婚嫁何時畢蓬島神仙未易求  
第願康強卽是福登山臨水任優游

同李翊清避疫西郊古廟

二十年前此共遊重來今日又逢秋紫薇有樹枝常茂

禪室無僧景自幽，流水繞門環玉帶。好山當戶聳瓊樓。

門對樓山極秀

兩家兒女多歡會，笑摘黃花插滿頭。

同友人過戴玉庭學舍看菊

三徑寒英手自栽，秋風共對興悠哉。香生絳帳花圍座，色映疎簾錦作堆。幾載學陶空向往，今朝訪戴且偕來。登高待到重陽節，有約還同泛酒杯。

中秋日接邊漱珊司馬致州人手書賦寄

離筵曾餞浣江頭，別後光陰急似流。鳧鳥重來入萬里，雁書初到月中秋。州民每飯思神父，童子何時迎細侯。惆悵斗山違咫尺，瞻韓有願竟無由。

醉吟草卷四

三

九日

未逢重九早遷居，古廟相依一月餘。佳節恰宜傾美酒，空山况可讀奇書。隨人雞犬皆無恙，廢學兒童得自如。懶去登高循故事，菊花淡淡對庭除。

對菊

幽香佳色迥超羣，九月西風盡吐芬。秋意於人真淡泊，繁華過眼總紛紜。定須元亮難爲友，能傲寒霜獨有君。取次籬邊時載酒，一樽好與對斜曛。

秋夜詠懷

半生歲月總蹉跎，隙隙光陰每易過。  
容膝敞廬何必廣，驚人佳句不須多。  
寒花滿徑資吟興，秋雨連宵攪睡魔。  
聽罷雞聲思起舞，那堪壯志已消磨。

五華山謁武侯祠

名著臥龍原有真，南陽畎畝舊躬親。  
平生事業方伊呂，二表忠誠泣鬼神。  
凜凜天威征六詔，彬彬儒範著綸巾。  
五華載拜瞻遺像，三代而還此一人。

聞寄菴兄崇祀山東新城名宦誌喜

醉吟草卷四

四

孤臣効職敢言功，盛世於今祀典隆。  
一代名標循吏傳，千秋祠近聖人宮。  
無多惠政留山左，已有仁聲遍海東。  
俎豆馨香常不朽，好官何必位三公。

兄已祀鄉賢嘉慶二年曾奉

御批好官可用

海心亭次蔦蘿亭女史韻

荷淨涼生客倚欄，無邊風景靜禪關。  
樓臺影蘸湖中水，金碧峯排郭外山。  
到此塵囂都寂寂，坐來心跡自閑閑。  
壁間麗句伊誰賦，擬和陽春不遽還。

謁譚竹湖先生

公名綸湖南人，余童子試時受知於公，後因銅累匏繫滇省十餘年。

一官白首相見  
凄然因呈長句

一官匏繫老南滇兩袖清風劇可憐馬角不聞生此日  
牛刀空憶奏當年蠻煙瘴雨鄉思切楚水巫山客夢牽  
白首莫愁家萬里  
聖恩佇見子生還

訪戴古村

十年前已耳芳名此日方欣訪戴行花木一庭饒野趣

圖書滿架寄幽情三生石畔入原淡

古村不  
肉食

五子詩中

韻更清

先兄寄菴掌教五華時  
選五子詩古村其一

愧我吟來無好句聊將

新詠待君評

醉吟草卷四

五

仲夏自昆明還至龍泉草堂

柴門此日又重開案滿浮塵徑滿苔棲鳥按更鳴夜月  
飛蚊繞室鼓春雷頻傾濁酒曹騰醉好把新詩次第裁  
昆海華山題未遍馬蹄催向故園來

楊家寨訪趙梅溪

行來村外又逢村流水潺潺直到門幾處蟬聲吟樹杪  
頻年鴻爪認泥痕移居同隔家三里遲友時藏酒一樽  
梅溪不飲酒  
每藏以待余落落淡交君與我相逢且喜叙寒暄

和張楷堂秋郊晚眺原韻

村郊平遠淡煙微有客閒吟對落暉雁趁秋風知候至  
鴉翻夕照認林歸雲黃隴上將收稻露冷山中待授衣  
安得炎氛都埽淨共攜兒女返荆扉

豆誠齋表兄招飲蓮塘別墅

修竹千竿覆短牆羨君新築近蓮塘卅年鐸教傳三池  
四世兒孫慶一堂輞野人歸耽習靜平泉客到快稱觴  
松風滿院忘炎熱坐愛山居夏日長

孫筠坡廣文齋中看菊

庭堦久接好芝蘭此日還來就菊看首葭草刪三徑澗  
芳菲花覆四圍寬清標只許偕高士冷蕊何曾近熱官  
蝴蝶上堦秋意遠一樽相對倚欄干

醉吟草卷四

六

乙未歲恭逢 慶典 恩貢成均感賦

姓名此日列成均年過知非又五春科第久甘輸後輩  
文章畢竟愧前人二毛已見傷遲暮一事無能恥賤貧  
幸際 熙朝多雨露從今脫却老頭巾

家達北上李鐵梅學使賜羊裘一襲賦謝

萬里雲程此遠遊征人雨雪正堪憂解衣忽受先生賜  
被體何須季子謀禦去嚴寒殊鶴氅著來輕暖擬貂裘

帝京直上歌安吉深感憐才厚意周

庚子初秋移家高茶砦卽事

見說鼠憂亦以痒避災幾度寄祠堂碧梧沾雨陰生檻  
修竹含煙綠過牆烏愛林深畱好語桂知秋至發天香  
頻年自笑移家慣到處銜杯樂未央

宿酒初醒月上時涼風蕭瑟響桐枝空山夜靜烏鳴澗  
小院秋歸螢入幃萬里懷人常有夢卅年避地幾題詩  
天心厭亂應思返共樂昇平際泰期

聞家達春闈捷音

醉吟草卷四

七

一曲霓裳詠衆仙泥金帖寄彩雲箋重開甲第憐今日  
小住京華計幾年須有經綸酬 聖世莫徒温飽愧前  
賢從今遂爾凌雲志常願瞻依 日月邊

辛丑秋接花松岑祭酒手書賦寄

朵雲箋到彩雲邊萬里高情一紙傳野老吟懷如水澹

先生錦字比珠圓

來書字極端楷

座中長揖誰爲客門下傳經

半是仙感謝韓公眞愛士十年遊子賴恩全

公乙未典試雲南家

達卽隨北上解衣推食相待甚厚

壬寅元日

元日蕭齋信可娛  
焚香掃地又提壺  
茶花滿院春初到  
玉樹盈堦葉正敷  
一事無能虛歲月  
半生多累白髭鬚  
北窗高臥時酣醉  
謂是黎陽一酒徒

薙髮

歲華彈指又春初  
短髮蓬鬆貌已臞  
自我留將真面目  
憑君領取靜工夫  
脫巾尚少霜侵鬢  
攬鏡旋驚雪上鬚  
余年六旬餘髮尙  
黑而鬚半白矣  
曾記少年稱衛玠  
而今人笑老頭顱  
長夏腹痛數日  
飲食不思晝夜不眠  
口占二首

魂魄全消此腹中  
如何作痛氣猶冲  
嘗來百美盡無味

醉吟草卷四

八

悟得萬緣都是空  
生寄死歸憑造化  
顏殤彭壽任天公  
延醫請禱皆虛妄  
慎始還須更慎終  
半生自謂不延醫  
千首吟成少病詩  
誰料腹中偶凝滯  
方知世上重黃岐  
呻吟枕畔誰同語  
徒倚庭前倩杖持  
攬鏡不堪還自照  
形容消瘦只膚皮  
秋晴病起偶成

雨晴萬景盡昭融  
病起蕭然百慮空  
唱午雞聲驚好夢  
迎秋桂蕊送香風  
扶筇放眼孤村外  
隱几閒吟一室中  
紅友何爲交竟絕  
三旬音問不相通

遊溫泉

峯迴路轉水雲隈，幾度登臨亦快哉。  
巖間有白石如玉兔，虹腰高坐剝金杯。  
山銜好月當頭出，江送清風撲面來。  
景物依然人老矣，濯纓濯足記童孩。

對菊

去年一病嘆吾衰，對此茫茫百感來。  
人比黃花誰更瘦，囊多紅友不須開。  
時半年不能飲酒 秋容老圃今無恙，佳色東籬又共陪。  
好景天公應愛惜，重陽風雨漫相催。

季冬望後四日同孫筠坡李介農兩廣文張楷堂

醉吟草卷四

九

明經李梅菴西園昆弟張五峯台晴崖豆伯陶  
諸子潭西草堂看梅

結侶尋梅半是仙，小橋驢背著吟鞭。  
暗香遠送孤村外，疎影遙分淺水邊。  
遊興更添殘臘後，詩情常在小春前。  
潭西人去誰知己，寂寞空山二十年。

乙巳除夕卽事

四序頻更又歲除，年來堪幸得安居。  
自壬寅以來疲癘漸息 宜春

帖燦新門第一門，時新建爆竹聲連舊里閭。  
泮水池邊初種

柳文淵深處漸藏魚，家鄰泮池池久埋今復濬之 小園此夕多佳趣。

一樹梅花傍草廬

丁未六月三日逢余六十有八生辰避客於潭西

草堂感賦一律

七旬年近古之稀馬齒空加壯志違書劍無成甘守拙  
林泉多暇自忘機向平願遂婚姻畢毛義官卑祿養微  
今春家達補授清流令 老去情懷復何美一樽相與對  
達運蓮三兒俱完婚  
斜暉

寶珠山營生曠

嘯傲乾坤復幾春百年難免作陳人令威化鶴傳來幻

醉吟草卷四

十

太白騎鯨信未眞四面雲山皆好友千株松柏卽芳鄰  
佳城預築珠岡上萬載悠悠寄此身

製棺

七寸棺成榔稱之由來古禮是吾師紙衣也可包枯骨  
朽木何妨裹臭皮五岳山中休著屐四圍板內好吟詩  
此生萬事今都畢箇裏還須酒一卮

福元孫亡三月矣葬於潭西之麓感成一律

孫生於甲

辰某月日有夙慧方二齡餘見案頭養蒙圖說  
隨問記之人名故實入耳卽不忘嘗見驟雨落  
池中人問何似對曰一池星宿出郊見騎牛者  
呼人語曰此便是騎牛遠遠過前村矣人皆異

之其聰慧多類此今秋偶  
染時疾竟爲藥所誤惜哉

空山月出鳥驚鳴靜夜思孫夢不成天折豈因多夙慧  
聰明莫再誤來生聞中難遣無端感老去還牽未了情  
卜葬潭西逢歲暮那禁霜雪冷蓉城  
潭西別墅移家  
光陰轉瞬又三旬菊花開後秋容淡樽酒攜來舊釀醇  
倚杖門前閒俯仰此生自謂葛天民

主長至後一日漫興

醉吟草卷四

七

浮生若夢幾人間老去全將俗慮刪廬結幽篁方畝內  
酒沽紅樹小村間醉吟草贖詩千首綠野堂臨水一灣  
歲既暮兮胡不返城中無此好溪山

西詠竹熏籠

編竹爲筐鉢在中禦寒何可少冬烘溫衾絕勝湯婆子  
暖席最宜田舍翁憐我背寒惟爾共愛君心熱有誰同  
可人更喜黃綿襖夢覺東窗旭日紅

空山除夕

爆竹聲聲歲又除光陰催我白髭鬚已過甲子將稀壽

依舊乾坤一腐儒  
魚雁音書遲驛使  
時家達書不至  
雞豚酒食足庖厨  
天涯遊子當斯夕  
兩地平安定不殊

聽松亭

萬松深處結茅亭  
四面雲山不斷青  
捲地濤聲驚枕畔  
參天黛色映堦庭  
三杯濁酒花間酌  
一曲瑤琴月下聽  
閒坐幽窗無箇事  
焚香掃室閱金經

醉吟草卷四

三



閑坐幽窗無箇事  
焚香掃室閱金經

參天黛色映堦庭  
三杯濁酒花間酌  
一曲瑤琴月下聽

閒坐幽窗無箇事  
焚香掃室閱金經

聽松亭

萬松深處結茅亭  
四面雲山不斷青  
捲地濤聲驚枕畔  
參天黛色映堦庭  
三杯濁酒花間酌  
一曲瑤琴月下聽  
閒坐幽窗無箇事  
焚香掃室閱金經

聽松亭  
萬松深處結茅亭  
四面雲山不斷青  
捲地濤聲驚枕畔  
參天黛色映堦庭  
三杯濁酒花間酌  
一曲瑤琴月下聽  
閒坐幽窗無箇事  
焚香掃室閱金經

醉吟草卷五

甯州 劉大容 雲門著

呈貢 孫 鍾 筠 坡 選 貢 青 泉

五言絕句

界魚石

有石奇且怪合下米顛拜湖水自長流游魚此分界

石虎岡

十里城南路有岡踞石虎堪笑岡中狐假威服羣鼠

太和宮

醉吟草卷五

巍然太和宮中有銅瓦殿鼓鑄借神工曾經雷火鍊

龍泉觀古梅

古梅臥潭前傳自唐代種蒼蘚滿虬枝時有香風送

升菴祠

翩翩佳公子萬里遠投荒祠樹湖雲合魂兮水一方

圓圓塚

一怒爲紅顏將軍真情種我今過商山何處覓青塚

鬢鏡軒

軒有范公承勳記用大理石刻於壁間作寫俱佳

崢嶸太華巔有軒名鬢鏡長嘯海天空誰繼范公詠

海月樓

百尺海月樓，憑欄豁遠眸。水天同一色，好景正清秋。

牛井

石窟瀉寒泉，一勺號牛井。牛今竟何之，白雲滿山嶺。

羅漢壁

飛閣臨懸巖，人在空中住。天風吹衣裾，飄飄欲仙去。

觀音巖

拙哉此道士，鑿破千尋壁。險絕一徑通，遊人皆悚惕。

題東山龍洞

醉吟草卷五

二

爲愛東山幽，尋春偕良友。山前遍桃花，紅霞蒸洞口。  
人間雷未發，聲先洞中起。隱隱鼓春機，遊人貫兩耳。  
洞頂石龍盤，儼然露頭額。葉公稱好龍，見此應失魄。  
返照翻石壁，霞光遍山紫。變態頃刻間，衆山未有此。

孫廣文暫園中有奇石三，曰亦普陀，曰小洞天，曰

飛雲。飛雲爲人盜去，普陀留之以供大士像。小

洞天則贈余者也。閑中爲賦三詩。

有石似普陀，可供大士座。我聞佛說法，頭點石箇箇。

飛雲從何來，飛雲從何去。雲飛不復返，空望雲生處。

水涯復山巔尋得小洞天持贈雲門子常伴酒中仙

七言絕句

巖子陵

天子呼來夢不醒遊心晁渚與鷗汀尋常一箇羊裘叟  
太史張皇奏客星

題秀山建文君臣祠

歷盡西南萬里程芒鞋竹杖一身輕蠻荒投老夫何恨  
不負千秋殺叔名

枉教逐燕燕高飛當日謀臣計已非患難齊泰黃子澄

醉吟草卷五

三

與共憐君何事遠相依

呂仙亭

拳石孤撐羽客亭清溪幾曲繞朱樞仙翁跨鶴歸來晚  
望斷雲山一片青

春日同友人遊華蓋山謁劉真人祠

攜友尋芳上翠微空山此日扣仙扉年來不作非非想

十二瓊樓夢到稀

暫隨仙侶戲蓬萊七十餘年去復來真人留偈云亥日  
閉子日開七十餘

年去一別華山人不返春風空上望仙臺

蘇秋夜題張融軒詩後  
風度翩翩美少年吟成玉潤與珠圓  
昨宵爲讀錦囊句  
露濕黃花人未眠

正春遊溫泉  
選勝時攜酒一壺  
林泉幽處信堪娛  
禽聲清徹遊人耳  
十里春山叫鷓鴣

雪霽過三台山卽景

遠上三台雪未殘  
瓊宮高處不勝寒  
山僧避客門常鍵

惆悵名花寺外看

寺有茶花二株高出屋際

醉吟草卷五

四

玉綴茅簷三兩家  
炊煙輕散日西斜  
不堪羸馬加鞭策

小憇山亭看晚霞

新正四日趙梅溪齋中詠蘭

九畹名葩詭楚詞  
謝家今見好芳枝  
幽軒坐久香俱化  
竟體何人秀比斯  
林泉幽處信堪娛  
禽聲清徹遊人耳  
五十長吟笑已遲  
每因佳景輒拈髭  
去年曾欠蘭花韻  
留作今春試筆詩

芍藥

綽約仙姿絕世無  
倚欄如對廣陵圖  
休將近侍輕相擬

浩態何曾減鼠姑

蘇雨虞美人

美人花態擬來工  
傾國傾城憶楚宮  
唱罷虞兮當日曲  
招腰猶自舞春風

石竹花

三生石上舊緣因  
不著淤泥不染塵  
勁節何妨花窈窕  
嫣然風致自宜人

沉有芷兮澧有蘭  
此君端合住巖巒  
悠悠人世誰青眼  
野草閑花一例看

醉吟草卷五

五

萬松山老桂

偃蹇連蜷古幹奇  
萬松深處露華滋  
昨宵秋氣蒸金粟  
坐愛香浮月上時

交柯老翠綴新黃  
欣遇談禪有晦堂  
謂明東僧悟徹釋家無  
隱解木犀何處不聞香

咏菊

玉露凋零草木黃  
獨畱佳色點秋光  
淵明去後誰知已  
疎雨輕煙伴夕陽

淡到無言只自傷  
春蘭同秀不同芳  
秋風舊有籬邊約

晚節憐君一瓣香

金錢菊

化工巧鑄合方圓  
輪角分明象宛然  
買斷秋光無用處  
呼兒沽酒醉籬邊

白梅

嫁得逋仙不厭貧  
孤山偕隱唱隨親  
艷粧那類林家婦  
淡掃蛾眉自有真

對雪

朔風陣陣透窗紗  
一夜吹來六出花  
曉望樓山渾似玉

醉吟草卷五

六

不知樹裏有人家

沈節婦

姆訓夙嫻婦道修  
七年舉案等眉頭  
分飛一旦嗟釵鳳  
腸斷鴛鴦鳴梓樹秋

一綫從知不復延  
延謂翁置造計宜先  
明珠佇見雙懸掌

再造功真可補天

婦勸翁納側室旋  
生雨亭湘浦昆弟

七旬白首已完貞  
皎皎冰心共日明  
坊表不從閭里請

愧他處士盜虛聲

時親鄰爲氏請旌辭曰此  
吾分內事耳邀虛譽何爲

由三轉灣至十里鋪

幾曲清溪幾曲山人家都在翠微間天然一幅好圖畫  
十里鋪前三轉灣  
吳井那堪深夜過

蟲聲唧唧遍荒原燈火熒熒認遠村吳井那堪深夜過

萬人塚畔月黃昏

人盡讀邊隨園先生壘篋集題後

平山堂裏日優游伯仲壘篋互唱酬只此一年詩酒樂

勝他騎鶴上揚州

千里勗家達時從學邊  
漱珊司馬

醉吟草卷五

七

千里尋師遇孝先堪欣經笥有真傳如何旦旦沉酣睡  
兩載從遊但學眠

綠樹陰濃夏日長槐花又見幾枝黃下帷董子知多少

人盡忙時爾不忙

友人赴秋闈戲爲老女嫁以送之

待字閨中年復年今朝喜得結良緣同時姊妹知多少

兒女成行滿膝前

妖韶猶見舊丰神淡掃蛾眉自有真欲插花枝還住手

偏將可稱問旁人

鳳皇棲老碧梧枝  
嫁得蕭郎莫怨遲  
從此同心更同調  
玉臺粧罷詠新詩

淮陰侯

一飯難亡漂母恩  
未央宮裏竟亡身  
將兵漫詡多多善  
生殺堪憐在婦人

樊將軍

鴻門擁盾死生俱  
雄辯何人似狗屠  
最刻老泉高帝論  
韓彭蒯醢噲當誅

台晴崖王勿菴諸子過從戲成一絕

醉吟草卷五

八

小友翩翩盡過從  
梅花香裏坐春風  
老夫舌本強猶昔  
未許清談覓阿戎

眼前

三十年來事事非  
老成彫謝友朋稀  
眼前便有滄桑感  
不待令威化鶴歸

移居潭西草堂

短墻三面接煙林  
山鳥時來報好音  
此地亦堪成小隱  
何須更住白雲深

壽內 五月廿五日

未嘗徙宅竟忘妻幾度借君此寄棲

時移居宗祠

井曰親操

甘自約榮封何日到金閨

百年琴瑟共和諧味得卿言亦復佳斗酒藏來料應有  
不須沽去典金釵

李介農廣文索人面竹杖分贈一支並繫二絕句

悠悠老至日扶筇一杖分將贈介農攜去登臨休釋手  
此君變化卽神龍

勁節虛心最可人相親相倚幾經春本來面目何曾改  
扶老如君自有真

醉吟草卷五

九

題筠坡廣文齋前草亭

愛君山館號紅榴添箇茅亭景倍幽幾樹梅花鋤月種  
官閒如此幾生修

三面竹窗花四圍香風拂檻襲人衣小亭靜坐無餘事  
閒看階前蝴蝶飛

醉後戲爲與杖問答

選勝尋芳酒一壺杏花村裏不時沽支離老叟笑相問  
日挂百錢今有無

一醉能消萬古愁不知甲子幾春秋百錢偶乏休相笑

斗酒歸來與婦謀

撿殘書得余少時手抄地理一本

幼習青囊一卷經手披口誦不曾停自從兆卜牛眠後

蠹食塵封笥久扁

漁家四時樂

一葉扁舟繞落花春江水暖長蘆芽魚肥酒美陶然醉

嘯傲煙霞到處家

長夏漁翁不解忙孤舟一棹水雲鄉斜風細雨休歸去

綠柳陰中好納涼

醉吟草卷五

十

湖水秋來一望平長天萬里共澄清扁舟夜泊人何處

西塞山前看月明

霜醉楓林雪打船一竿長此度殘年朝來獨釣寒江上

煙水茫茫浪接天

仲冬四日邀諸同人華亭小飲

小集琳宮上一層尋芳有約得良朋平生還著幾回展

肯把清閑却讓僧

茶花未放菊花殘梅老枝疎獨耐寒枝上著花三四點

倩誰寫作畫圖看

竟日開樽客滿軒華亭高處俯平原斜陽一帶寒煙外  
黃葉丹楓遠近村

徙倚閒吟步履遲微寒天氣乍晴時良辰美景兼難得  
同醉花間酒莫辭

小園

小園元日亦佳哉兩樹梅花次第開何處遊蜂枝上聚  
尋香飛去又飛來

題王石谷漁樵耕讀圖

水作田兮船作家斜風細雨傍蘆花鱸魚網得呼兒賣

醉吟草卷五

七

沽酒前村不用賒

山南尋遍又山西石徑雲深路不迷荷擔行來歌互答  
當年羞煞買臣妻

水繞青疇第幾灣有人十畝樂閑閑一犁春雨耕初罷  
放犢溪頭飽看山

四時佳趣在胸中朗誦長吟興不窮尋到孔顏真樂處  
欣然三月坐春風

醉吟草卷六

甯州 劉大容 雲門著

呈貢 孫鍾筠坡選

六言絕句

晚香園雜興

掃地焚香讀易賦詩酌酒烹茶閉戶終日無事開窗四  
時有花

泮水池邊栽柳文淵深處蓄魚門徑翛然塵外渾忘城

市家居

余家住宮牆之  
西門外卽泮池

醉吟草卷六

一

曾聞茂叔愛蓮復慕淵明栽菊二者我所兼好更效子  
猷種竹

飛閣丹流檻外好山青到窗前半畝園林掩映一幅圖

畫天然

歷架圖書萬卷環階橘柚千頭饒有香山三秦渾無平

子四愁

心跡平生散淡妻孥斗室團圞祭詩時陳酒脯拜石一

著衣冠

課子花間問字弄孫膝上含飴門靜不煩鶴應牀欲聊

借龜支

煙霞由我嘯傲泉石任余品題嗜酒伯倫故態漫勞老

婦烹雞

漁父詞

幾曲青山綠水一竿細雨斜風舟停楊柳深處家在蘆

花叢中

風月良宵載酒湖山勝處行舟欸乃一聲盪槳驚飛對

對沙鷗

美酒沽來遠市鱸魚網得清江西巖月明夜靜有客閒

醉吟草卷六

二

話篷窗

泛宅常依湖畔生涯半在釣船綸垂白蘋洲渚魚賣紅

樹江邊

七言雜體詩

總戶謠

造印簿簽總戶總戶苛政猛於虎一月兩卯違比期可

憐勝下無完肌蕩產破家鬻妻子流離瑣尾煩轉徙耕

鑿老農不聊生刀筆小吏飽欲死頻年疫癘遍鄉村十

室人丁今幾存勸君有田早送却莫更留禍與兒孫

古木杖

木生空山兮幾閱春秋支離偃蹇兮形古質邁忽逢樵  
子兮巖阿見搜伐以爲杖兮無事雕鏤散木同諠兮渾  
身瘦癯世人見棄兮善價難求余偶適市兮百錢相售  
全其本質兮形不刻鳩摩拏旣久兮溫潤和柔登山臨  
水兮賴爾從遊與吾終老兮一壑一邱何當攜爾兮遍  
歷九州杖兮杖兮吾今與爾早爲謀

任老嫗

有序

老嫗任姓新平人父某出兵亡母改適先君

醉吟草卷六

三

司鐸新平時收爲義孫女僅四齡服役惟勤

先慈愛憐之及長配夫李無子而李亡誓不他

適老於余家年今近九旬矣康強無恙勤慎如

昔因美以長歌

任老嫗年遲暮服役勤今如故老嫗家新平有父從征  
戍父亡母改適撫育誰爲顧先君收爲義孫女洒掃  
供役在學署先慈愛憐之待之以仁恕自幼習慎勤  
早起不待曙治饌精潔守身律度夫死誓冰心志自完  
其素善保赤嚴防護趨亦趨步亦步余子及余孫刻離

卽思慕年今踰八旬勤慎復似孺任老嫗人稱譽

### 尖頭帽

尖頭帽時俗好作者誰人稱效夏收殷昞古難復聚鵠

沐猴堪同諂平頂自不作乞人尖頭那能登廊廟

諺云市無

平頂乞人朝無尖頭宰相我今戴笠且荷蓑煙波深處好垂釣

### 做狐裘

狐裘黃黃爲身之章晏子一襲卅載云長我有做裘幾  
閱星霜歷今四紀隨時補將旣安且煖適體斯臧豈曰  
無衣得新莫忘樂天有願千裘裳吁嗟廣被志難償

### 醉吟草卷六

四

### 飲虎膠酒

虎生空山兮號曰山君外觀有耀兮炳也其文負嵎兮  
威勢愈震出林兮腥風遠聞視眈眈兮回睛怒目欲逐  
逐兮啞類吞羣何獵人之見擒兮遂俯首而如積剝皮  
兮可以談經作膠兮謂能壯筋姑妄聽兮方書云云飲  
虎酒兮醉復醺醺

### 馬丹林送力石酒一瓶謝以長句

力石酒何處有送者誰吾老友老友家曲江與余相契  
久早歲遊泮同朋輩借某某無何鴻鵠獨高飛可憐燕

雀甘雌守悠悠一別四十春暮雲春樹空翹首今夏來  
五華相逢重攜手道故快談心殷勤更送酒開甕滿芳  
香饒涎溢我口一醉須百杯解醒復五斗笑余酒癖兼  
詩癖太白淵明是尙友伯倫家風足古今余眞不愧昔  
賢後問君此酒還有無未識白衣再至否

石蟹

石似蟾雙琴山房身久淹

寄菴兄  
齋前石

石似蟹市人賤之不

爾買堅不可食硜難烹我今好之眞成騷爾何不鍊形  
女媧之世補天庭爾胡不遠遷四海優游莫計年潛踪

醉吟草卷六

五

隱跡水湄山巔有誰知爾世無米顛石不能言惟以臆  
對南嶽北恒西華東岱子未能遊休論我輩吾聞之悔  
因乎動而道隆於晦今將與子逍遙乎坵壑之間何必  
橫行於宇宙之內

石兔

孫筠坡廣文暫園中多奇石卸篆後盡爲人攜  
去惟棄一白石於籬邊余見而嘆曰此月宮玉  
兔也胡淪落至此攜歸位置花竹間朝夕玩賞  
作短歌慰之

白玉兔廣寒宮中爾曾住何年逃向山谷中嫦娥尋來  
不知處歲久化爲石石質何純素潛踪於暫園亦云得  
所附胡爲棄之竹籬邊人皆白眼不一顧我今攜爾置  
玉盆風月花朝時把晤守株人笑愚忘蹄理誰悟永無  
羅網憂壽同山岳固吁嗟兔兮其殆庶

酒樽

邈爾酒樽雲夢大澤氣能吞陶家誰造汝名殊甕與盆  
器無大小貯任清渾醉後何妨倒作枕不知天地幾晨  
昏可以消歲月可以叙寒溫惟我與爾嘯傲乾坤

醉吟草卷六



是